

फिलेमोनए ल्हागिर पावलइ फ्हिबै फ्हिछ्या

फ्हिबै म्हिः पावल ।

फ्हिबै कल्हयोः एफिसस सहरबै झेल ।

फ्हिबै त्हेः ई. सं. ५६ साल, बि. सं. ११३ साल जरे ।

फ्हिबै ताँः चु फ्हिछ्या पावलइ कलस्सी नाँसबै बिश्वासी फिलेमोनलाइ फ्हिबू ग । फिलेमोनल ओनेसिमस बिबै केब्छै मुँल । तिगै च केब्छै ह्रोंसए कल्हेउँडँले भौदिह्याइ । छले भौदिह्यामा च झेलर मुँबै पावलने त्होइ । च्हमा पावलउँडँले ओनेसिमसइ प्रभुए ताँ थेल योंइ, धै चइ प्रभुए फिर बिश्वास लइ । पावलइ च केब्छै धबै एमिंमा चु फ्हिछ्यारि “चुलाइ तोइ न्होह्रों आलल्ले छेनाले टिल् पिंन्” बिसि फिलेमोनने यो छ्युँ लइमुँ । “तारे ओनेसिमस केब्छै मत्त्रे आडिं, प्रभुए फिर बिश्वास लबै अलि ग” बिसेया पावलइ चु फ्हिछ्यार बिइमुँ ।

चु फ्हिछ्यार मुँबै तामै

ओसोंबै ताँ १-३

फिलेमोनए ल्हागिर धन्यवाद पिंब ४-७

ओनेसिमसए ल्हागिर यो छ्युँ लब ८-२२

आखिरि ताँ २३-२५

1 येशू स्त्रीष्टउँडँले खबै सैं ताँबै ताँ बिप्रइ बिसि झेलर च्युथेंबै ड पावल नेरो डचोए अलि तिमोथीउँडँले डिने बालु के लबै थु फिलेमोनलाइ जय मसीह मुँ ।

2 झाइले डिंए अडॉ अप्फिया, डिने बा-बालुन् के लबै येशूए सिपाइ अर्खिप्स नेरो विहए धिर खागु तबै बिश्वासीमैने जय

मसीह बिमिन् ।☆

3 डचोए परमेश्वर आवा नेरो प्रभु येशू ख्रीष्टउँडँले क्हेमैँइ दयाम्हाँया नेरो शान्ति योरिगे ।

????????? ?????????? ?????? ???????????

4 ओ अलि फिलेमोन, डइ प्राथना लमा किहलाइ मैसि डए परमेश्वरलाइ खोंयोंन् बिलै धन्यबाद पिम्,

5 तलेबिस्याँ किहइ प्रभु येशूए फिर बिश्वास लसि ताँन् बिश्वासीमैँने म्हाँया लइमुँ बिबै ताँ डइ थेइमुँ ।

6 किह नेरो डिइ ख्रीष्टर बिश्वास लबइले ख्रीष्टर डचोए ल्हागिर मुँबै ताँन् छ्याँबै ताँमैँ क्होबै ज्ञान ल्हें योरिगे बिसि डए प्राथना मुँ ।

7 ओ अलि, किहइ डने च्हाँ थेबै म्हाँया लब् म्रोंसि ड बेल्ले सैं तोंसि भों योंइमुँ, तलेबिस्याँ किहइ प्रभुए म्हिमैँए सैं क्होल् लमिँइमुँ ।

????????????? ?????????????? ?????????????? ?????????? ??
????????? ??

8 छत्तसि ख्रीष्टए के लबै ल्हागिर किहलाइ के ल्हैदिबै हग डने मुँलेया “डइ ल्हैदिबै के ललन् त्हुम्” बिसि किहलाइ कर आल्हैदि ।

9 दिलेया डइ किहलाइ बेल्ले म्हाँया लसि डइ किहने ताँ मत्त्रे थेंब् ग । ड खेब् तयाइमुँ, येशू ख्रीष्टउँडँले खबै सैं तोंबै ताँ बिप्रइ बिसि छाबै खेब् तयाबै म्हि या झेलर टिल् त्हुइमुँ ।

10 डए च्ह ओनेसिमसए ल्हागिर ड किहने यो छ्युँ लम् । ड झेलर मुँबै त्हेर डइ चने प्रभुए ताँ बिमा चइ प्रभुए फिर बिश्वास लइ । छत्तसि च डए च्ह धोंन् ग ।☆

11 ओंसों किहए ल्हागिर च केर आफेब् मुँल, दिलेया तोगो किह नेरो डए ल्हागिर च केर फेब् तइमुँ ।*

☆ 1:2 1:2 00 0:१७ ☆ 1:10 1:10 00 0:९ * 1:11 1:11 000 0000 000000 00000000
0000 0000 0000 “000 0000 0”0

12 च डइ खोबै च्ह ग, दिलेया डइ च तोगो किह डार कुलबै सैं लइमुं ।

13 ड डारन चलाइ थेंदा इहाँल, तलेबिस्याँ सैं तोंबै ताँ बिप्रइ बिसि डलाइ झेलर च्युवामा किहए कल्होरि चइ डए सेवा लमल ।

14 दिलेया किहइ लद आबिन् समा डइ तोइ के या लदा आइहाँ, डए लहागिर छयाँब तबै केमैं आगुइ कर ल्हैदिसि आलदु, दिलेया ह्रोंसए सैंउँइलेन् लल् त्हुम् इहाँसि लद बिब डए सैं मुं ।

15 च खोंयोन् बिलै किहनेन् टिरिगे बिसि च दे त्हे किहउँइले फ्रेयालै ।

16 तारे च किहए केब्छैं आडिं, केब्छैं भन्दा थेब किहइ खोबै अलि तरिगे । डइ चलाइ बेल्ले म्हाँया लमुं । बिलन् त्हुमा अझै किहए लहागिरि च किहए के लबै म्हि ग, झन् च भन्दै थेबै ताँ च प्रभुए फिर बिश्वास लबै खोबै अलि ग । छतमा किहज्यै या चलाइ बेल्ले म्हाँया लभुं बिसि डए सैंर इहाँइमुं ।

17 छतसि किहइ डलाइ ह्रोंसने बालुन् के लबै थु धों इहाँम् बिस्याँ डलाइ धोले चलाज्यै या म्हाँया लद ।

18 चइ किहला तोइ न्होह्रों लस्याँ, चने किहइ किंल् त्हुबै तोइ सै मुँस्याँ, च डए मिर फ्ह्रिथेन् ।

19 ड पावलइ डए योइन चु ताँ फ्ह्रिइमुं: चइ फोल् त्हुबै सैमैं तोइ मुँस्याँ डइन फोमिंस्यो । (बिलन् त्हुमा डइ बिबै सैं तोंबै ताँउँइलेन् किहइ खोंयोइ आखाँबै छ्ह योंइमुं ।)

20 छतसि ओ डइ खोबै अलि, प्रभु नेरो डए लहागिर चए फिर ल्हयो लमिन् । स्त्रीष्टए फिर बिश्वास लबै डए अलि, किहइ चु तार डए सैं सन्तोक लमिन् ।

21 डइ बिब् धोले किहइ लभुं, अझै च भन्दा ल्हें किहइ लभुं बिसि चु ताँ फ्ह्रिरिमा डइ मैइमुं ।

22 अर्को ताँ डए लहागिर टिबै कल्हयो लथेन्, तलेबिस्याँ क्हेमैए प्राथना थेसि परमेश्वरजी ड क्हेमैं डार खल् पिंम् बिसि

डए सैर आशा लइमुँ ।

□□□□□ □□□

23 येशू ख्रीष्ट उँइले खबै सैं तोंबै ताँ बिप्रइ बिसि डने बालुन् झेलर च्युथेंबै इपाफ्रासइ विहने जय मसीह बिइमुँ ।☆

24 छलेन डने बालु के लब्में मर्कूस, अरिस्ताखूस, डेमास नेरो लूकाज्यै या विहलाइ जय मसीह बिमिंडमुँ ।☆

25 डचोए प्रभु येशू ख्रीष्टए दयाम्हाँया कहेमैए सैर तरिगे ।

☆ 1:23 1:23 □□ □:७; ४:३२ ☆ 1:24 1:24 □□□□□□ □□:१२,२५; १३:१३; १५:३७-३९; १९:२९; २७:२; कल ४:१०,१४; २ तिमो ४:१०,११

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514